

2 Tesalonika

¹ Pol, Sailas, Timoti weim,
Tesalonika sios, Tamada Negur, Odug Jesus
Kristus ado bun ufaregef ã bun, pas enei matotof:
² Wau ifenëya wau inosiya ado, Tamada Negur,
Odug Jesus Kristus ado bunem, ã bun ibodõf.

De Fiyëya Ado Kosëya

³ Turamã tar, amã ã nigin faimud Negur de
mafiyëf bagai, are de age mafiyëf, ere nigin,
ägenei momoiya fau fau odugef iselef, agog fen, ã
ganan abob nigin wauñ laa fiya anñ odugef. ⁴ Anñ
nigin, amã Negur nẽ sios atun, ã momoi ge fen, ã
kafî fiya darau ganan ado walegef bun to fese gef
nigin selî kulõ mafedig.

⁵ Enei ganan anim, Negur nẽ es fiya are tutuk
anñ yaoref. Anñ bunem, ã Negur nẽ tano nigin
kisi falauf, ã anñ nigin kafî fiya walegef. ⁶ Negur
í madur bagai. Í morõ difeneik anidi morõ
ifenëdiyouf, ⁷ ã morõ walegef, í karika ifeneñf,
amâg ifanamâf. Anñ Odug Jesus, in engel megeir
adodo geid, yã bale fitotoleya bun saa ilunem
isiyouf bun wõ youf. ⁸ Idi Negur keleñ sã ado, neda
Odug Jesus nẽ biya od to dõ difedig anidi, darau
ifenëdiyouf. ⁹ Idi daû fiya faimud ibodeleya nẽ
kafî fiya dale fen, Odug mala bun tamal ado,
yogon megeir nẽ fula fiya medeñya bun tamal,
irudiyouf. ¹⁰ Naa anñ bun, í isi, yogon fateul tamo
kayau bun tamal, fula fiya medeñya yale di, í nigin
momoi den anidi ganan, í nigin meleid yû yalouf.

Are ã gediyouf, ere nigin, ã nemã od nigin momoi gen.

¹¹ Anĩ nigin amã ã nigin toku kosẽ maudig, are neda Negur iweigneik anĩ kilei, ã kisi feleya inoyeif nigin, takag, Negur in megeir bunem, ereb ereb biya ganan ã ago gouf nigin kisi gef anĩ ado, ãgenei momooya nẽ kabĩ ganan kisi falauf nigin.
¹² Amã age ma kosẽ maudig, are neda Negur ado Odug Jesus Kristus neid wau ifenẽyã bunem, neda Odug Jesus yana ã atun fula fiya medeýyã yale di, ãg ï bun fula fiya medeýyã walogouf nigin age mafedig.

2

Lo Wal Fiya Tamo Wõ Youf

¹ Turamã tar, Neda Odug Jesus Kristus isiyouf nigin ado, ï wagen guru tagauf nigin, amã ã marokeneik, ² Odug nẽ naa mogo isin yeya anĩ, profet od, wogõyã be, pas amã bunem isin ya anĩ karig fen, to kaisã terẽg fen, wauĩ kui youf.
³ Naab taka taka bun, taka nem to idegneif nigin lo weleg, ere nigin, fau kiwai ketem wõ ye fen, lo wal fiya tamo, are daũ fiya bun ileyã nẽ anĩ wõ ye bure fele di, naa are isiyouf. ⁴ Í kiwai ino fen, ereb ereb ganan waitou de fen, seli dabidig anĩ ï farumen ineneid fen, ï yogo Negur nẽ tempel bun ibod ken, ï yogo nigin Negur ye kurõ fesiyouf.

⁵ Aya ã geid tabod ken, enei nigin arokeneidig anĩ, ã to karĩ welegef de? ⁶ Gama erebem irounek are ã keleï, age fe di, fau yogon sain bun bagai, ï wõ youf. ⁷ Lo wal fiya nẽ waa megeir mogo kabĩ yalef, anĩ ere, ï gama irounek anim irouf ile

iwaikalauf. ⁸ Age fe di, lo wal fiya tamo yaorouf, ĩ Odug Jesus in awa yau neseyam yukeis fen, Odug isiya nẽ medeĩya anim ĩ daũ falauf. ⁹ Lo wal fiya tamo nẽ isiya, de Satan nẽ kabĩ ado susu fel, idegẽya memelik, uris ado, ereb urug bagai fire fire ganan inodiyouf. ¹⁰ Agef fen, sesen ganan bunem idi inanakelef anidi idegnẽdiyouf. Idi inanakelef, ere nigin, idi momoi nigin waud laaf fen, kel gei fediyouf anĩ ditoron. ¹¹ Age fiya nigin, Negur idegẽya totol sur fe di, idi anĩ nigin momoi douf. ¹² Are idi momoi nẽ nigin to momoi de fen, sesen nigin waud al fen anidi ganan, Negurem es fediyouf nigin age fef.

Megeir Ifareya

¹³ Anĩ ere, amã faimud, ã, turamã tar Odug nẽ oboi nigin, Negur de mafiyẽf bagai, ere nigin, gariya bun, Negur, Awa Uur ã fateul ineneĩya nigin kabĩ yalef bunem ado, ã momoi nẽ nigin momoi gef bunem, kel gei yeĩ nigin igrinein. ¹⁴ Ì nemã biya od bunem enei bun iweignein, are ã neda Odug Jesus Kristus nẽ fula fiya medeĩya anĩ walogouf nigin age fen. ¹⁵ Anĩ nigin, turamã tar, megeir ufareg fen, sigoramam wogõya bunem ado pas bunem, mafelnein anĩ uroug kafĩ wala-gauf.

¹⁶ Neda Odug Jesus Kristus ĩ yogo ado Tamada Negur, ĩ ada nigin wau laa fen ado, yogon wau ifenẽya bunem, faimud ibodkeleya nẽ wau yale-seya ado wau iseya biya ifanadan anĩ, ¹⁷ ã wauĩ yaleseya difenei ken, ereb ereb biya ganan ago gef ado od wogõya bun megeir difeneif nigin oromak.

3*Kosē Nigin To Fiya*

¹ Od idīyā nigin, turamā tar, Odug nē od, ā bun age fef gen, kaisā bagai iyokel fen, tamo kayau atun fula fiya medeīya yalouf nigin, amā nigin kosē gouf. ² Agog fen, amā tamo idodōya ado sesen bun tamal yalelnamāf nigin kosē gouf, ere nigin, tamo gananem momooya sā. ³ Anī ere, Odug ī yagon od dō fiya biya, ī ā megeir ifeneiken, Satan bun tamal kulatun yeīf. ⁴ Amā Odug bun momoi mauf, are amā ā marokeneik anī ago gef ulagauf. ⁵ Odug āgenei wauū itoneī di, Negur nē wau laa fiya ado Kristus nē feseya sā megeir ifareya bun ilauf nigin oromak.

Fō Temeleid Wedereid Irouya

⁶ Odug Jesus Kristus yana bunem, turamā tar, amā ā marokeneik, tureī tar fō temeleid ganan, amā mafelnein kilei to mata dibodōdig anidi so wiyēdigouf. ⁷ Amā age mafen anī naig ge dō gouf nigin, ā aug keleī. Amā ā geid tabodon sain bun, amā to fō faman. ⁸ Age ma fen, amā taka nē saaf na yaleya sā to mon. Age fiya ban, amā ā atun taka morō to mafenēf nigin, bō ado gaa ado kabī totol malen. ⁹ Amā ā bun tamal isennēyā yaleya kisi feleya, anī ere, to age mafen, ere nigin, ā amā bun ulemāg fen, āg agog dō gouf nigin. ¹⁰ Amā ā geid tabodon sain bun, amā nun enei mafenein: “Taka ī kabī to yalouf are, ī saaf to yāf.”

¹¹ Amā ā atun tunī fō temeleid yeya anī karī maun. Idi fō temeleid, anī ere, idi dogo nigin kabī to dale fen, taka nigin dogol wogoī dedig. ¹² Tamo

age fediya nigin, Odug Jesus Kristus yana bunem, amā totol bagai moro ken, wedereid marouf, dē desil fen, dogo naumeid nigin kabī dalouf. ¹³ Aug nigin, turamā tar, biya ago gouf nigin to fō yeīf.

¹⁴ Taka ī pas enei bun marokeneik anī to dō fouf are, dē wiyē kalagauf. ī mama fouf nigin, weim to nigal ūgouf. ¹⁵ Anī ere, ī kiwai gen to ulogouf, ī tureī gen weder urougauf.

Idikeleya Nē Aanya

¹⁶ Gama wau inosiya nē Odug ī yogo, sain ganan bun, naab ganan bun, wau inosiya ifeneīf. Odug ā ganan geid ibodōf.

¹⁷ Aya, Pol, aya imau aanya enei atotof, are neu pas ganan bun aya yug imauba. Aya eig afe atotodig.

¹⁸ Neda Odug Jesus Kristus nē wau ifenēyā ā ganan bun ibodōf.

**Mata Ifenēya Nē Od
The New Testament in the Marik Language of Papua
New Guinea
Nupela Testamen long tokples Marik**

copyright © 2011 Wycliffe Bible Translators, Inc.

Language: Marik

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 0868934534

The New Testament

in Marik

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-07-22

PDF generated using Haiola and XeLaTeX on 11 Nov 2022 from source files
dated 22 Nov 2019

d7099f9d-3bdf-5620-8eb3-7e6c51cab7ea